

Declaración d'Avilés

PACTU CONTRA LA CONTAMINACIÓN

Nel convencimientu de qu'un mediu ambiente protexíu y saludable pa la vida nes sos distintes formes ye posible ya imprescindible pa garantizar un desenvolvimientu sostenible, propónse un Pactu contra la contaminación n'Asturies, nel que tienen de participar, xuntu al Parllamentu y el Gobiernu d'Asturies, los axentes sociales implicaos na materia: colectivos ecoloxistes y mediu ambientales, organizaciones vecinales, sindicatos, empreses, Conceyos, Universidá y Gobiernu Central.

Dicha Iniciativa, que tien d'alcordase en forma inmediata, va encontrar na harmonización del desenvolvimientu sostenible, identificando de forma clara y concreta el conceutu SALÚ- CALIDÁ DE VIDA, que'l so algame tien d'incluyir, de forma inexcusable, una nueva estratexa enerxética p'Asturies.

El Pactu tien de contemplar, siquier:

- Revisión inmediata de tolos planes calidable del aire local que puedan tar anguaño vixentes y ellaboración d'aquellos que sían necesarios pa les árees que nun dispongan d'ellos.
- Puesta en marcha d'un protocolu d'actuación ante situaciones como la inversión térmica persistente y ellaboración d'un Plan Especial de Tresporte.
- Apantallamiento de los parques de carbones y graneles sólidos, disponiendo de barreres y murios (vexetales principalmente o artificiales, móviles o fixos) n'atroxos, zones de manipulación y zones de tránsitu.
- Refuerzu del serviciu d'inspección, vixilancia y control ambiental, con más medios humanos cualificaos y más recursos materiales pal siguimientu sistemáticu de la calidá ambiental.
- Ampliación de la rede d'estaciones mididores públiques.

- Política clara y decidida en materia de vixilancia y sanciones contra los xeneradores contaminantes, cola esixencia inexcusable del cumplimientu de la llei de grandes corporaciones multinacionales.
- Implementación de midíes pal amenorgamientu de les emisiones de tolos gases d'efectu invernaderu pa cumplir los oxetivos marcaos nel Protocolu de Kioto, qu'incluya:
 - Potenciación d'un tresporte públicu eficiente y eficaz, con actuaciones que tomen dende les necesaries inversiones nes redes de cercaníes, naquellos llugares onde esista infraestructura, hasta meyora de les conexones per carretera ellí onde nun quepa otra alternativa y el desenvolvimientu de los carriles bici.
 - Apueste poles enerxíes anovables y l'aforru enerxético.
 - Promocionar y empecipiar un programa de captura n'orixe del CO₂.
 - Protocolos anti incidencies en procesos granibles
- Revisar y actualizar les autorizaciones ambientales integraes, que tienen de tar d'acordies col peor escenariu meteorolóxicu posible.

Pa tou ello, ye necesariu recuperar la capacidá d'al cuerdu ente l'alministración y los axentes sociales, que tienen de redefinir los oxetivos temporales a curtiu y mediu plazu, según los calendarios y cuantes midíes tengan d'adoptase,.

Pa empecipiar el desenvolvimientu d'esti compromisu proponemos la creación d'una comisión nel Parlatmentu qu'estudie específicamente la situación de contaminación atmosférica n'Asturies y que va trabayar de forma paralela al Pactu contra la Contaminación que se cree cola presencia citada de los distintos axentes sociales.